



## Publicaziuns officialas dils 03-08-2018

---

### Sanaziun dalla via dall'alp Glivers

**Gliendisdis, ils 13-08-2018** vegn entschiet cun las lavurs vid la via dall'alp Glivers. Las lavurs cuozzan entochen la fin dil meins october. Duront quei temps resta la via serrada mintgamai naven da gliendisdis entochen venderdis naven dallas 07.00 entochen las 18.00 uras. Duront la notg, ils dis da firau e la fin d'jamna ei la via aviarta.

Nus engraziein per Vossa capientscha. Ulteriuras informaziuns survegnis Vus directamein dil selvicultur Flurin Cathomas (tel. 079 681 19 67) ni dil menader da construcziun Martin Alig (tel. 079 682 96 24).

Sumvitg, 03-08-2018

*Departament forestal*

### Scamond general da far fiug el liber

L'actuala aura da stad cun la schitgira ha augmentau considerablamein il prighel da fiug. Sin recumandaziun digl uffeci d'uaul e prighels dalla natira sco era dall'Assicuranza d'edifecis ha la suprastanza communal decidiu da mantener il scamond general da far fiug.

En vesta allas festivitads digl 1. d'uost fagein nus attents ch'igl ei scumandau d'envidar fiugs bengals e fiugs el liber e quei sigl entir intschess dalla vischnaunca da Sumvitg.

### Generelles Feuerverbot im Freien

Wegen des warmen Sommerwetters und der Trockenheit steigt die Gefahr von Wald- und Flurbränden weiter an. Auf Empfehlung des Amtes für Wald und Naturgefahren sowie auch der Gebäudeversicherung Graubünden hat der Gemeindevorstand beschlossen, das generelle Feuerverbot im Freien weiterhin aufrecht zu erhalten.

Im Hinblick auf den Nationalfeiertag ist das Abbrennen und Abfeuern von Feuerwerkskörpern sowie das Entfachen von Feuer im Freien auf das ganze Gemeindegebiet Sumvitg verboten.

Sumvitg, 03-08-2018

*Suprastanza communal Sumvitg*

### Casa sogn Giusep, Cumpadials

**Humor 18, sonda, ils 04-08-2018** allas 14.00-22.00.

In suentermiezdi che fa cuort'uriala cun historias, musica, purschidas culinaricas ed attracziuns per affons. Allas 15.00 se presenta il cabaretist Flurin Caviezel cul program «Kurzschluss» ed allas 19.00 Gardi Hutter cun l'enconuscenta «Die tapfere Hanna». Prezi d'entrada carschi Fr. 40.–/affons Fr. 20.–

Nus selegrein sin Vossa viseta

*Inserat!*

*Cussadents e collaboraturs Casa sogn  
Giusep*

### **Fiasta dil vitg Cumpadials**

Sco gia publicau el cudischet d'occurrenzhas ha la fiasta dil vitg a Cumpadials liug uonn in'jamna avon che usitau, numnadamein **ils 26 d'uost 2018**. Il festival da ligiongias la sonda sera ha buc liug uonn, cunquei che nus organisein ina party ils 13 d'october ella casa da scola a Cumpadials. Damai ch'il survetsch divin da cumiau da sur Benny ha liug a Surrein il medem di sco la fiasta dil vitg a Cumpadials, desistin nus uonn dil survetsch divin usitau. L'ustria avon scola ei aviatra naven dallas 12.00. Cordialmein envidai ein tut ils vischins ed amitgs da Cumpadials e da l'entira vischnaunca. Sin seveser! *Uniun da cultura e sport Cumpadials*

### **Meisa da miezdi (gentar communabel) dalla Pro Senectute a Cumpadials**

La Pro Senectute Surselva organisescha ensemen cun Nadja Scolieri ell'«Ustria dalla staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia e dar in scart troccas ni auters giugs.

Liug: «Ustria dalla staziun», 7176 Cumpadials

Datum: **venderdis, ils 10 d'uost 2018** allas 12.00

Annunzias: Ein da far entochen mesjamna sera tier «Ustria dalla staziun», Cumpadials Tel. 081 943 19 22

Engraziel fetg e cordials salids *Pro Senectute Grischun*